

**Ceist i gcomhair freagra ó bhéal O-000041/2021  
ar an gCoimisiún**

Riail 136

**Simona Baldassarre (ID), Romana Tomc (PPE), Marco Zullo (Renew), Helmut Geuking (PPE), Karlo Ressler (PPE), Daniel Buda (PPE), José Manuel Fernandes (PPE), Sunčana Glavak (PPE), Miriam Lexmann (PPE), Massimiliano Salini (PPE), Tomislav Sokol (PPE), Ivan Štefanec (PPE), Atidzhe Alieva-Veli (Renew), Annalisa Tardino (ID), Isabella Tovaglieri (ID), Margarita de la Pisa Carrión (ECR), Raffaele Stancanelli (ECR), Álvaro Amaro (PPE), Pascal Arimont (PPE), Franc Bogovič (PPE), György Hölvényi (PPE), Adam Jarubas (PPE), Stelios Kypouropoulos (PPE), Georgios Kyrtos (PPE), Eva Maydell (PPE), Francisco José Millán Mon (PPE), Dan-Ștefan Motreanu (PPE), Emil Radev (PPE), Michaela Šojdrová (PPE), Loránt Vincze (PPE), Theodoros Zagorakis (PPE), Javier Zarzalejos (PPE), Željana Zovko (PPE), Elisabetta Gualmini (S&D), Sandro Gozi (Renew), Susana Solís Pérez (Renew), Matteo Adinolfi (ID), Alessandra Basso (ID), Marco Campomenosi (ID), Massimo Casanova (ID), Francesca Donato (ID), Valentino Grant (ID), Elena Lizzi (ID), Luisa Regimenti (ID), Stefania Zambelli (ID), Marco Zanni (ID), Jorge Buxadé Villalba (ECR), Carlo Fidanza (ECR), Nicola Procaccini (ECR), Vincenzo Sofo (ECR), Beata Szydło (ECR), Hermann Tertsch (ECR), Andor Deli (NI), Kinga Gál (NI), Edina Tóth (NI)**

Ábhar: Straitéis AE don Déimeagrafaíocht a chur ar aghaidh

Tá go leor dúshlán déimeagrafach os comhair an Aontais faoi láthair. De réir an Choimisiúin Eorpaigh, tuarar go mbeidh 30.3% de dhaonra na hEorpa 65 bliana d'aois nó níos sine faoi 2070 (i gcomparáid le 20.3% in 2019). De réir Eurostat, in 2019 ba é 1.53 an ráta torthúlachta iomlán in AE, le treocht shíorlaghdaitheach, atá i bhfad faoi bhun an ráta torthúlachta a mheastar mar an leibhéal athsholáthair i dtíortha forbartha (2.1 breith in aghaidh na mná). De réir an staidéir dar teideal 'Demographic Outlook for the European Union' (Ionchas Déimeagrafach don Aontas Eorpach)<sup>1</sup>, tá tionchar díreach ag comhdhéanamh teaghlaigh ar riosca na bochtaineachta. Tagann riosca na bochtaineachta chun cinn a luaithe a bhíonn leanaí cleithiúnacha sa teaghlach agus méadaíonn sé le líon na leanaí cleithiúnacha. Tríd is tríd, cuirtear níos mó costas ar an teaghlach mar thoradh ar leanbh amháin nó níos mó a bheith ann agus dá bhrí sin is airde an baol bochtaineachta do bhaill an teaghlaigh. Ina theannta sin, tá meath déimeagrafach luathaithe ag teacht ar roinnt réigiún den Aontas agus daoine oilte ag dul ar imirce mar gheall ar an easpa deiseanna forbartha ar an leibhéal áitiúil. An baol atá ann don Aontas go bhfuil sciar de dhaonra agus OTI an domhain ag laghdú de shíor, ós rud é go bhfuil na treochtaí diúltacha sin níos measa mar gheall ar phaindéim COVID-19, rud a dhéanann difear d'ionchais eacnamaíocha agus shóisialta daoine óga agus teaghlach. Mar a luaigh an Leas-Uachtarán Dubravka Šuica le déanaí, is é atá i gceist leis an meath déimeagrafach ná 'an daonra atá ag dul in aois, rátaí ísle breithe agus laghdú ar an daonra in aois oibre. Bíonn tionchar suntasach ag na hathruithe sin ar ár ngeilleagar, ar ár mbeartais shóisialta agus fostaíochta, ar an airgeadas poiblí agus ar an gcomhtháthú críochach'. Dá bhrí sin, iarraidimid ar an gCoimisiún:

1. An bhfuil sé toilteanach Straitéis AE maidir le Déimeagrafaíocht a chur ar aghaidh, lena bhforbrófar an coincheap 'geilleagar folláine' do theaghlaigh agus lena ndéanfar, ar an gcaoi sin, dlúthpháirtíocht idirghlúine a chur chun cinn, mar chuid d'infheistíocht fhadtéarmach le haghaidh forbairt inbhuanaithe agus iomlánaíoch?
2. Conas atá infheistíocht á déanamh aige i rannpháirtíocht na mban agus na ndaoine óga i margadh an tsaothair, agus chun cothromaíocht oibre is teaghlaigh níos fearr a bhaint amach?
3. An bhfuil an Coimisiún ag fiosrú bealaí chun aghaidh a thabhairt ar an meath ar staid an daonra agus ar imirce daoine oilte, rud a fhágann go bhfuil easpa infheistíochtaí i mbonneagar agus seirbhísí ann ina dhiaidh sin, agus fairsingiú fásaigh i gcás roinnt réigiún de chuid an Aontais?
4. Conas a dhéanfaidh sé saoránaigh a chur ar an eolas agus oideachas a chur orthu maidir le déimeagrafaíocht, agus béim á leagan aige ar an tábhacht a bhaineann le cothroime idirghlúine?

<sup>1</sup> Parlaimint na hEorpa, an Ard-Stiúrthóireacht um Sheirbhísí Taighde Pharlaimintigh, Seirbhís Taighde na bhFeisirí, 25 Márta 2021.

5. Cad a d'fhéadfadh an Coimisiún a dhéanamh chun feabhas a chur ar chomhroinnt na ndeachleachtas idir na Ballstáit i gcomhthéacs na mbeartas teaghlaigh?

Curtha síos: 7.6.2021

Spríodhata i gcomhair freagra: 8.9.2021